

10 KORAKA ZA ODRŽAVANJE HIGIJENE RUKU U ŠKOLAMA

UPRAVLJANJE ODGOVOROM
NA COVID-19

UPUTSTVA ZA DIREKTORE ŠKOLA

1 PRANJE RUKU

Na ulaz u školu postavite dostupne sanitarne objekte za pranje ruku zajedno sa sapunom (improvizovani *tippy tap* umivaonici, kante sa slavinama, objekti za grupno pranje ruku) s dovoljnim brojem slavina za vodu, ali uz mogućnost održavanja odgovarajućeg rastojanja, kako bi djeca, nastavnici, osoblje i posjetioци mogli oprati ruke prije ulaska u školu. Sanitarne prostorije treba da budu opremljene funkcionalnim umivaonicima za pranje ruku sa sapunom i vodom.

2 DOSTUPNOST VODE

Osigurajte dostupnost vode za pranje ruku, piće i druge svrhe. Ako je snabdijevanje vodom isprekidano ili neadekvatno, uz pomoć zajednice povećajte kapacitete škole za skladištenje vode ili, ako je moguće, zamolite djecu da od kuće donesu po flašu vode.

3 POTROŠNI MATERIJALI

Izračunajte potrebnu količinu i obezbijedite dovoljne zalihe potrošnih materijala, uključujući: sapun (čvrsti ili tečni), sredstvo za dezinfekciju ruku (s najmanje 60% alkohola, samo ako je to relevantno za dati kontekst) i natrijum hipohlorit za čišćenje/dezinfekciju (izbjeljivač za domaćinstvo razrijeđen s vodom u odgovarajućem omjeru), spužve, metle i kante, te zaštitnu opremu poput maski za lice i rukavica za osoblje koje obavlja poslove čišćenja.

4 ČIŠĆENJE I DEZINFEKCIJA

Obezbijedite redovno čišćenje i dezinfekciju u skladu s nacionalnim smjernicama i globalnim preporukama. Izračunajte potrebno vrijeme, pobrinite se da osoblje za čišćenje i dezinfekciju bude dostupno i da koristi zaštitne rukavice i maske za lice. Po potrebi i kad je to izvodljivo u čišćenje uključite udruženje roditelja i nastavnika, članove zajednice i učenike. Osigurajte da sanitarni objekti za pranje ruku i sanitarne prostorije budu funkcionalne i čiste.

5 UPRAVLJANJE OTPADOM

Obezbijedite dostupnost kanti za smeće u učionicama, sanitarnim prostorijama i na strateškim lokacijama u školskoj zgradi i van nje, kao i njihovo svakodnevno pražnjenje na siguran način uz pomoć sistema za upravljanje otpadom.

15. maja 2020. // Mreža „WASH u školama“ (WinS) (GIZ, UNICEF, Save the Children, Water Aid i drugi) globalna je međuagencijska mreža WinS praktičara iz odgovarajućih institucija koja okuplja više od 60 organizacija.

6 DRŽANJE ODSTOJANJA

Osigurajte da djeca drže odstojanje u skladu s preporukama datim u nacionalnim smjernicama. Moguće opcije su: podijelite djecu u smjene, rasporedite početak i kraj školske sedmice kao i školske odmire po kliznom principu, razmaknite školske klupe na odgovarajuću udaljenost ili na podu nacrtajte ili zalijepite linije kojima ćete označiti potrebno rastojanje na mjestima na kojima se učenici okupljaju ili stoje u redu (npr. ispred toaleta ili objekata za pranje ruku).

7 IMENUJTE NADZORNI TIM

Zadužite jednu ili nekoliko osoba – nastavnika i osoblja poput čistača, čuvara, domara ili starijih učenika, članova zajednice, WASH klubova itd. – da nadgledaju objekte za pranje ruku i toalete (u pogledu dostupnosti vode i sapuna, održavanja, načina pranja ruku, poštivanja pravila za držanje odstojanja itd.).

8 OBUKA

Organizujte obuku za sve nastavnike, nenastavno osoblje i članove zajednice o vodi, sanitarnim uslovima i higijeni (WASH) u školama i o Covidu-19 i pobrinite se da svi razumiju svoju specifičnu ulogu. Osigurajte da nastavnici ta znanja prenesu djeci uz pomoć promotivnih materijala koji su primjereni učeničkom uzrastu.

9 KONTROLNE LISTE

Uvedite u upotrebu kontrolne liste (koje će sadržavati: datum, datum kontrole, ime odgovorne osobe) za nastavnike i nenastavno osoblje kako bi se osiguralo svakodnevno provođenje rutinskih radnji. Konkretno, uvedite kontrolne liste za:

- > Ulaz u školu (način pranja ruku, objekti za pranje ruku, dostupnost vode i sapuna)
- > Učionice (protokol za čišćenje i dezinfekciju)
- > Toaleti i upravljanje otpadom

10 KULTURA HIGIJENE

Uspostavite kulturu higijene u školi i podstaknite promjene higijenskog ponašanja u zajednici. Naglasite da je sve nastavno i nenastavno osoblje dio tima koji radi na pripravnosti i odgovoru na pandemiju. Obezbijedite pretpostavke za nastavak obrazovanja i osigurajte čistoću i sigurnost u školi. Odajte priznanje istaknutim pojedincima u oblasti vode, sanitarnih uslova i higijene (WASH) u vašoj školi i zajednici.

KONTAKT: WinS-COVID-19@susana.org

POSljednja verzija i dodatne informacije na www.susana.org:

> „10 Immediate WinS Actions“:

<https://bit.ly/367F7ur>

> Mapa znanja

„WASH in Schools & Coronavirus“:

<https://bit.ly/2JDvM39>

